

պես պարզ և այն ցնղայնելու,, բարեկամ,, հասկացութեամբ, որը մինչև այժմ էլ կա հայերենում, բայց ստացել է խոսակցական-ընտանեկանը:

ՆԱԽԴ ԲՈՁԱՐ

ՀԱՅԵՐԻ ՏԵՂԸ ԱՌԱՋԱՎՈՐ ԱՍԽԱՅԻ ԵՎ ԿՈՎԿԱՍԻ ԺՈՂՈՎՈՐԴՆԵՐԻ ՄԵՋ՝ ԸՍՏ ՄԱՐԴԱԲԱՆԱԿԱՆ ՏՎՅԱԼՆԵՐԻ

1. Ինչպես պարզվեց ծեռած-մաշկային ռելիեֆի ուսումնասիրություններից, հայերը բնութագրվում են այն զգեստի առավելագույն արտահայտվածությամբ, որոնք բնորոշ են հարավային եվրոպեոիդներին, առանց որևէ այլ ռասայական խառնուրդների: Այդ նշանների համալիրը բարձրագույն արտահայտչականության է հասնում կովկասիոն և առաջավոր-ասիական լոկալ ռասաներում:

2. Հիշյալ տվյալներից ելնելով, ուշագրավ է թվում հայերի բաղդատումն Առաջավոր Ասիայի և Կովկասի մի շարք ժողովուրդների հետ մի հատուկ մեթոդով, որը կոչվում է,, քնդհանրացված գենետիկական տարածությունների,, մեթոդ, որն այդ արեալի ժողովուրդների դիֆերենցիացիայի չափանիշն է:

3. Ինչպես պարզվեց հաշվարկումներից, այդ մեթոդով թվարկած բոլոր ժողովուրդները բավականին մոտ են միմյանց: Հայերին առավել մերձ են օսերն ու հարավային վրացիների խմբերը և Հյուսիսային Կովկասի մի շարք ժողովուրդներ: Իսկ ամենահեռու քնածնները միթվալիներն ու սվաններն են: Այդ մեթոդով ժողովուրդների մերձավորությունները համարելու համար հաշվել ենք նաև գենետիկ տարածությունը հայերի և յակուտների միջև, որը գրեթե հասել է մեկ միավորի և ցույց է տալիս ծայրահեղ հեռավորություն:

4. Առաջավոր Ասիայի և Կովկասի ժողովուրդների ծեռափերի մաշկաբանականային ակնհայտ նմանությունը հավաստում է տվյալ բնատարածքների հին եվրոպեոիդ բնակչության քնդհանուր ծագումը: Նշանների այդ համալիրը կարող էր պահպանվել ռասայական մեկուսացման պայմաններում՝ սկսած նեոլիթի և ըրոնգի դարերից, երբ նեղերես ու երկարագլուխ բնակչությունը բնակապես մշտող մեծամասնություն էր կազմում:

ՌՈՒԹԵՆ ՕՀԱՆՋԱՆՑԱՆ

,,Էթնիկ նախադասարտունք,, ՀԱՍԿԱՑՈՒԹՅՈՒՆ ԱՐԵՎՄՈՒՏԵԻ
ՍՈՑԻԱԼԱԿԱՆ ԳԻՏՈՒԹՅՈՒՆՆԵՐՈՒՄ

Արևմուտքի սոցիալական գիտությունների բառապաշարում լայնորեն օգտագործվող,, էթնիկ նախապաշարմունք,, տերմինը դասվում է էթնիկ հարա-

բերությունների ցուցիչների թվին: Ներկայում կան նախապաշարմունք-
ների մի քանի բնորոշումներ:

1. Բնորոշումների մի մեծ խումբ հիմք է ընդունում դիրքորո-
շումների տեսությունը: Այս կարգի բնորոշումների հիմքում ընկած
են ընդհանուր և սոցիալ-հոգեբանական տարբեր դիրքոցներում ընդուն-
ված բնորոշումները, որոնք համախ իրարից խիստ տարբերվում են: Այս-
տեղ լայն տարածում է գտել այն տեսակետը, ըստ որի,, նախապաշար-
մունքը որոշակի խմբի պատկանող անձանց նկատմամբ բացասական դիրքորո-
շում է,, /Ջ. Էրլիխ, Ջ. Լեվին, Մ. Շեքերիֆ/:

2. Նախապաշարմունքների բնորոշումների մի այլ խմբում հիմք է
ընդունվում համատիպերի /սոցիոստիպերի/
ընդունվում համատիպերի /սոցիոստիպերի/ ճիշտ է, այս խմբի ներկայա-
ցուցիչների հիմնական մասը նախապաշարմունքը բնորոշում է որպես բա-
ցասական կարծիք որոշակի խմբի պատկանող անձանց մասին,, և ոչ որ-
պես էթնիկ ընդհանրություն սխեմայացված պատկեր,, / որը համատիպի ա-
ռափել տարածված բնորոշումն է /, սակայն այդ հնդիտակները կոնկրետ
հետազոտությունները կատարում են այս կամ այն էթնիկ խմբի անդամնե-
րի հոգեկան բնորոշ գծերին վերաբերող հարցվողի կարծիքը վերլուծելու
միջոցով, որը ոչ այլ ինչ է, եթե ոչ էթնիկ համատիպ /Ա. Կատց, Ու.
Բրոյլի, Ե. Պելմոր/:

3. Համեմատաբար ուշ շրջանի հետազոտություններում /1970-ական
թթ. կեսերից սկսած/ էթնիկ նախապաշարմունքը բնորոշվում է որպես
,, որոշակի խմբի անդամների նկատմամբ բացասական կարծիքների, զգաց-
մունքների և կողմնորոշումների համակարգ,, /Ջ. Ու. Վան դեն Լան-
դեն/: Այստեղ առկա է մեթոդական շփոթություն: Եթե կողմնորոշումը
և զգացմունքը իրոք կարևոր հոգեկան երևույթներ են, ապա կարծիքը
տարբեր սոցիալ-հոգեբանական երևույթների բառային արտահայտման մե-
կ է, որի միջոցով բացահայտվում են այդ երևույթները:

4. Այդ բնորոշումների ընդհանուր գիծն այն է, որ նախապաշար-
մունքը միշտ բացասական է: Ստացվում է, որ որևէ կոնկրետ հոգեկան
երևույթ, կախված իր էմոցիոնալ ուղղվածությունից, տարբեր անվա-
նումներով է հանդես գալիս:

5. Էթնոսոցիոլոգիական և էթնոհոգեբանական գրականության մեջ
,, նախապաշարմունք,, բառի օգտագործումը տերմինաբանական շփոթու-
թյունների է հանգեցնում, քանի որ, ինչպես երևում է դրա բնորո-
շումների համառոտ շարադրանքից, այդ տերմինով նշվում են տարբեր
հոգեկան երևույթների միայն բացասական տարրերը:

6. Այսպիսով, կարելի է ասել, որ էթնիկ նախապաշարմունքն ամ-

ըողջական հոգեկան երևույթ չէ և նպատակահարմար չէ այն դասել ազգամիջյան հարաբերությունների ցուցիչների շարքը:

ՀԱՊԱՎՈՒՄՆԵՐ

- ԱԻ - Լրելագիտության ինստիտուտ /ՀՍՍՀ ԳԱ/
 ԵՊՀ - Երևանի պետ. համալսարան
 ՀԱԹ - Հայաստանի ազգագրության պետ. թանգարան
 ՀԱԻ - Հնագիտության և ազգագրության ինստիտուտ /ՀՍՍՀ ԳԱ/
 ՀՊԹ - Հայաստանի պատմության պետ. թանգարան
 ՀՍՀ - Հայկական սովետական հանրագիտարան
 ԳԻ - Պատմության ինստիտուտ /ՀՍՍՀ ԳԱ/
 ԳԸԻԻ - Վ. Բրյուսովի անվ. ռուս և օտար լեզուների պետ. մանկավարժական ինստիտուտ

СОКРАЩЕНИЯ

- АСЭ - Армянская советская энциклопедия
 ЕГУ - Ереванский государственный университет
 ИАЭ - Институт археологии и этнографии /АН Армянской ССР/
 ИВ - Институт востоковедения /АН Армянской ССР/
 ИИ - Институт истории /АН Армянской ССР/
 ИРИЯ - Институт русского и иностранных языков /им. В.Я.Брюсова/
 МИА - /Государственный/ музей истории Армении
 МЭА - /Государственный/ музей этнографии Армении